

Napad na štab I Krajiške brigade
i pogibija komandanta Marušića
Ratka

138/42

P R E P I S	
Arhiv Doc. kn.	D. Luka
ABK	

OVO JE BILLO PRVOM POLOVINOM MJESECA SEPTEMBRA 1942.

Talić (Riste) Mane rođen 1912. godine u selu Piskavice
sada živi u Banjoj Luci. Nosilac "Partizanske spomenice 1941".

I Z J A V I

Kad je formirata I Krajiška brigada u selu Iomovita ja sam
pristupio istoj.

U vrijeme Kozarske ofanzive i krvave borbe u selu Piskavica-
ma (u kojoj je učestvovala I Krajiška brigada) brigada se je povukla
za Podgrmeč i neko vrijeme se tako odmarala. Iz Podgrmeča brigada je
krenula za Manjaču i to krajem jula ili početkom avgusta 1942. godine.
Ona je ^{stigla} preko Bravoske, Crkvenog u Ribnik gdje se je nekoliko dana od-
marala, odakle je krenula preko ^{Zablaće} ~~zabrdja~~ Donjeg Ratkova pokraj Sitni-
ce za Manjaču t.j. pod same obronke planine Manjače. Najviše se je
brigada sa svojim štabom zadržala u selu Dujakovcima zaseok ^{Dolja} ~~Dujako-~~
~~voj~~ u kući Delića Tome.

Brigada je vodila borbe sa četnicima, ustašama, domobranima
pa i sa njemcima, U Manjači oko Kočića glavice, Klisine, Kadine vođe
Pajdoča, Pavića i zaseoka Grabovice.

Jednog jutra rano čula se je huka aviona od pravca Banje
Luke i počeli su avioni da kruže tačno iznad mjesta gdje je smješten
bio štab brigade (u Delić~~ima~~ zaseoku). Baš u to vrijeme komandant
brigade Marušić Ratko i štabsko osoblje tek što su bili ustali sa
spavanja. Tada avioni su počeli da bacaju bombe oko štaba brigade i
na sam štab. Tom prilikom smrtno je bio od bombe ^{pogodio} ~~pogodio~~ komandant
brigade Marušić Ratko i poginulo je još nekoliko partizana iz zašti-
tne brigade. Ovdje je bio teško ranjen član štaba brigade Stojaković
Djuro - učo koji je od rane i umro u partizanskoj bolnici koja je bi-
la negdje oko Ključa.

Poslije ovog napada brigada sa štabom bila je premješ^{tena}
u Ratkovo a kasnije ^{Sokolovu} i u druga sela često mijenjajući smještaj
da se ne bi znalo gdje se štab nalazi.

Na ovom terenu tj. terenu Manjače brigada je ostala oko
40 dana. Brigada je krenula iz Manjače za Petrovac i učestvovala je
u napadu na Bihać novembra 1942. godine.

Banja Luka, 20.4.1962. g.

Talić Mane, s.r.

ORIGINALNA IZJAVA OVJERENA JE POTPISOM I PEČATOM SAVEZA BORACA.

PREPIS IZJAVE IZVRŠEN JE RADI TOGA DA BI SE MOGLA LAKŠE ČITATI POŠTO
JE ORIGINAL PISAN RUKOM. ORIGINAL SE NALAZI SKUPA SA OVIM PREPISOM.